

## یوحنانینگ ایکینجی نامہ سی

۱

۱ من شیخدن،

او سچیلیمیش آروادا و اؤنونگ اولادلارینا کی اوللاری حقیقتده چوخ سئیرم-  
نه ده فقط من، بلکی واری اوللار کی حقیقتی تانیرلار،<sup>۲</sup> او حقیقت سبرسینه کی  
بیزده منزل واری و آبدنچاز بیزیم اینن اولار.  
۳ حقیقتده و مُحَبَّتده، بووآ تارئ طرفیندن و بووآنینگ اوغلو عیسا مسیح  
طرفیندن، فیض، رَحمت و صَلح و سلامتلیگ، بیزیم اینن اولسون.

### حَقِیْقْتِدِه وَ مُحَبَّتِدِه زَنْدَلِیْگِ اِئْدَمَکِ

۴ بونونگ بیلْمَکِیْنْدَنْ چوخ خوشحال اولدوم کی، سنینگ اولادلارینگ بیر  
پاراسی حقیقت ایچینده زندلیگ ائدیرلر، ائله اولهیین کی بووآ طرفیندن بئلمیزه  
حکم اولدو. ۵ ایندی، ای عزیز آرواد، سندن سئیرم کی بیر بیره مُحَبَّت ائدک.  
بئله دهیل کی سنه بیر تازا حکم یازیرام، بلکی بو ائله او حکم دیر کی ائله اولدن  
واریمیز ایدی. ۶ و مُحَبَّت بودور کی بیز اؤنونگ حکملارینا گوره زندلیگ ائدک.  
او حکم بو دور، ائله اولهیین کی اولدن ائشیدمیشینز تا مُحَبَّتده زندلیگ ائدینز.  
۷ بو سبریه کی چوخ آلداتانلار دنیا ایچینده داغیلیمیشلار، ائله اوللار کی عیسا  
مسیح نینگ بَشْر جسمینده گلْمَکِیْنِی دِیْلِه گتیرمئیرلر. بیر بئلهیین آدام آلداتان و  
مسیح ضدینه اولان آدام دیر. ۸ اؤزونگوز دان هوشکار اولینز تا او ثمره پی کی  
بئلسی ایچی ایش گورموشاک، یئله وئرمیه ییز، بلکی بیر تمام و کمال آجر ائله  
گتیرینز. ۹ هر کس کی مسیح نینگ تعلیمیندن ایلری وورا و اؤندا قالمایا، تارئ پی  
یوخودور. هر کس او تعلیمده قالا، هم بووآ پی واری هم ده اوغلو واری. ۱۰ اگر

پیری گلہ سیزینگ یانینزا و بو تعلیمی گتیرمیہ، اؤنو ائوینزه یئودماینز، یا دا اونا خوش ایز گؤرسدمینز. <sup>۱۱</sup> بو سبریه کی هر گس اونا خوش ایز گؤرسده، اؤنونگ شیریر عمل لرینده شریک اولیر.

<sup>۱۲</sup> هر چند کی چوخ سؤزلر واریم کی سیزه یازام، آما سئمئیرم کاغذ و جوهر اینن اولا. بلکی امید واریم کی گلیم یانینزا و قرشی به قرشی دانیشاک تا شادلیگیمیز کامل اولا.

<sup>۱۳</sup> سنینگ سچیلن باجینگینگ اولادلاری، بئلینگه سلام ائتیردیرلر. [آمین!]

